

籌辦夷務始末

籌辦夷務始末卷之二十四

同治三年甲子三月戊辰烏里雅蘇台將軍明誼等奏承
准議政王軍機大臣字寄同治二年十一月二十四日奉
上諭俄國分界事宜前經總理各國事務衙門定議准照該國使
臣所開議單辦理原以常清曾有兵單餉缺戰守兩難之奏等
因欽此等等遵卽嚴飭塔爾巴哈台在事各員弁嚴密防
範並分咨烏科二城各飭所屬一體嚴為戒備旋准署烏
里雅蘇台將軍麟興等咨稱現經派員前往唐努烏梁海
速將該五旗地方游牧長短寬狹住牧人丁多寡詳細查
詢俟查明繪圖呈遞酌量妥協咨請覈辦又准科布多參

贊大臣廣鳳等咨稱現查卡倫之內係杜爾伯特等旗蒙古游牧。若將阿勒坦淖爾烏梁海蒙古安置卡內。誠恐難以久遠相安。又准伊犁將軍常清咨稱據前派各三營領隊大臣等查明邊卡均在各營游牧就近相距竟有二十餘里者。若以常住卡倫為界。不但內附夷人無處安置。於各營游牧生計大有關礙。况俄人自通商以來。種種強橫。以致軍民憤恨。各愛曼官兵與俄人積怨尤深。若竟按常住卡倫定議。有礙各營生計。必致釀成巨釁。僅能於各卡倫之外。展至一二百里之地。不但各營目下可以相安。而內附之夷人庶各有所安置。並將各領隊等所呈圖說咨

送覈辦等因前來。至塔爾巴哈台派查地界委員。尚未旋回。通准俄國西悉畢爾衙門覆文。內開貴將軍大臣。接准貴國總理各國事務衙門王大臣准照我們分界大臣議單所指界址。迅速辦理行文。諮詢我們分界大臣。明年究於何月在何處。復會同速完邊界事宜。查去年我們分界大臣前往會議時。貴將軍大臣仍違京城議定條約。爭論立界。今閱來文內。添出酌量各處地方情形。妥為商辦之語。我們分界大臣前已按照京城議定條約。指定界址。將毫無更讓之處聲明。並非一次。今若復行會議。我們全權大臣不過如去年徒勞而已。僅貴將軍大臣遵照貴國指

示。會議時並無爭論。即照我們大臣單內所指界址全行
應允。毫無更改。竟照單內指出界址。立記繪圖。互相畫押
後。建立界牌鄂博。即據將全行允從之處。迅速照覆。即派
我們分界大臣等。於立夏時。仍赴塔爾巴哈台。完結邊界
事宜等因。等公閱該國來文。將等承准總理各國事
務衙門原奏。請

旨飭下。等酌量各該處地方情形。會同該國分界使臣。妥為商
辦之處。誣為等擅自添出。其意總要堅持該使臣議單
所指地名為界一語。毫無更讓。若即備文約。該使臣前來
會辦。該使臣必賴為等。等已允其所指界址為界。如不約

其前來會議。該使必以^蒙等不遵我總理各國事務衙門
准照伊等議單辦理。有意延宕。償復逞兵犯卡。更覺有詞。
為今之計。蒙等惟有與之申明。該使議單所指界址。實與
我國四城所屬蒙古等游牧生計。均有窒礙。匪特目前不
能相安。日後必啟爭端。與貴國亦無裨益。殊非敦睦兩國
和好之道。本將軍等不得不豫為聲明。仍行照會該國西
悉畢爾衙門。令派分界大臣等。即於立夏前速來按照議
單妥商定議。或於各邊卡外讓出開齊一二百里。或照東
省第一條約首載。向來中國人住牧漁獵之地。仍聽中國
人住牧漁獵。俄人均不得侵占。該使如肯前來。即當竭力

羈縻。按照條約與之剖晰辯論。審度時勢。力圖收束。儻該
使仍堅執前見。不肯前來。復以不照議單全行應允。即係
徒勞往返為詞。照覆前來。是其執意為難。終欲遂其貪求
之意。故為不了之局。等等彼時再為酌量時勢。設法招來。
以完巨案而泯釁端。再等於上年八月九月兩次拜發
籌辦分界摺四件。附片一件。至今已逾半載。尚未奉到

批回。恭閱

上諭。內開。聞靈州一路驛站梗阻。頗有公文摺報在途遺失。等等
照錄原摺各一分。恭呈

御覽。

御批該衙門妥籌辦理。

明誼等又奏。努等前准庫爾喀拉烏蘇領隊大臣咨稱。該處所屬固爾圖迤北沙山子地方。忽有塔爾巴哈台所屬哈薩克一十餘人。私在彼處住牧。努等恐係俄人驅令。該哈薩克四出窺伺。當飭派查地界之營務處章京富勒美音圖。順路前往該處確查詳詢。茲據章京富勒美音圖稟稱。奉諭前往哈薩克台吉迪納雜爾游牧。詢係內附之哈薩克。卽帶同該台吉等馳赴固爾圖地方。會同庫爾喀拉烏蘇派來委員。傳詢哈薩克頭人伊謀等。據稱我們俱係和宰鄂托克所管的人。向在塔爾巴哈台南邊卡外住牧。

嗣因卡外冬雪過大。往鄰境尋找過冬之處。遇見庫爾喀
拉烏蘇所屬甘家湖地方種地之民人。約我們在此處度
冬。自咸豐二年起。每年即搬至此處過冬。俟春融後。仍移
至塔爾巴哈台卡外住牧等語。復傳詢種地甘姓民人。與
該哈薩克回稱無異。詳查此項人眾。均係內附之哈薩克。
搬在彼處住牧過冬。該處相距庫爾喀拉烏蘇。尚有四五
百里之遠。毗連塔爾巴哈台邊界。距哈薩克台吉迪納雜
爾所管哈薩克游牧之地。約有七八里。原係曠野之地。實
不礙於庫爾喀拉烏蘇所屬戶民。及吐爾扈特游牧之地。
但恐該哈薩克在彼處住牧日久。滋生事端。而飭哈薩克

伊謙等務於雪消後仍移至塔爾巴哈台卡外住牧。聽候酌給地方等因前來。等當復嚴飭內哈薩克台吉迪納雜爾等務將此項人眾迅即收回。仍在卡附近地方住牧。聽候將來與俄人分界後酌給地方。並咨行庫爾喀拉烏蘇領隊大臣嚴飭委員仍在該處訪查。俟不日雪消後即行驅逐出境。

御批知道了。

錄呈同治二年八月二十八日原摺

等明誼奏。等前抵古城於七月十三日將行至科布多與參贊大臣廣鳳面晤。詳詢俄兵滋擾情形。屬其鼓勵在事

員弁防範各緣由奏

聞在案。起行後接准伊犁將軍常清轉到俄國西悉畢爾督照覆。鄂前行令其分路前來勸議覆文。內稱會議分界一事。先以上年八月間會議時該區蘇勒官所說若不照依該國議分單子辦理。帶兵強占之語。不肯承認。次以鄂等疑忌雜哈勞非該國全權大臣為詞。意在將不能定議之咎推在我國。其前經總理各國事務衙門駁清其誤解條約及鄂等詰問各層。概未置辯。至現在已有兵隊近住原設卡倫。及伊犁滋鬧各情。均未提及。是其理屈詞窮。已可概見。揣其用意。尤以肇啟兵端為諱。細思彼既有所顧忌。似

應量予包容。俾有轉身地步。惟聞此次照會內大意竟以約其來此會議。卽為允其所請。尤為狡詐。其執意要求之意。牢不可破。棼擬俟馳抵塔爾巴哈台與明緒等會晤妥籌商辦。續准議政王軍機大臣字寄奉

上諭。總理各國事務衙門奏。俄人在西界各處卡倫住收槍掠。違旨籌辦一摺等因。欽此。並將來往照會鈔寄前來。棼趕卽西進。於八月二十日馳抵塔爾巴哈台。明緒等隨將接到俄國全權大臣雜哈勞咨來照會一件。與棼拆閱與前行照會大略相同。俄人詭譎性成。若仍以前次駁清之言給伊照覆。恐俄人置若罔聞。佛然竟去。屯兵不撤。棼等不能不以

兵力驅逐。兩不相下。必啟邊釁。於分界大局。更難措手。等
與明緒再四熟商。惟有約其前來講解條約。公平定議。為
主。三五日內。給與照覆。俄人如肯前來。等再當竭力羈
縻。審度時勢。酌量棄守。一俟稍有端倪。另行具奏。

御批該衙門知道

錄呈同治二年八月二十八日原摺

等明緒博勒果素奏。等等於八月十九日。承准議政王軍
機大臣字寄。奉

上諭。總理各國事務衙門奏。俄人在西界各處。卡倫住牧。搶掠。違
旨籌辦一摺。等因。欽此。欽遵。並將與該國大學士住京公使往

來照會鈔寄前來。伏查俄國使臣上年來塔與^努等會議不下十數次。堅持條約內載有常住卡倫一語。希圖侵占。因不能遂其謀。遂負氣回國。忽於本年三月間。該國頭人帶領兵隊至各卡倫以外住紮。意在強占地方。^努等奏請由總理各國事務衙門照會該國住京公使轉行該西悉畢爾衙門令其將兵隊撤回。並派使復來會議。已蒙

聖恩飭令總理各國事務衙門王大臣會商俄國住京公使將原定條約逐層與之剖辯。逐字與之講解。後照鈔該公使及與該國大學士往來照會行知。^努等並函示辦法。^努等俟會議時。惟有遵照堂奉

諭旨及總理各國事務衙門照會。執定條約內載往西直至之語。力與剖辯。或能折中定議。即可酌度機宜。妥速蒞事。以免日久另生枝節。查塔爾巴哈台所屬之哈薩克。前雖疊據稟稱誓志不肯背順。等語。誠恐不足深恃。是以飭諭前汗爵輝坦公阿吉。台吉迪納雜爾等。豫備阿勒巴圖數百人。並檄調該汗等來城。尚有面諭事件。八月初一日。公阿吉台吉迪納雜爾蘇勒坦。先後來城。據稱均願出力報效。萬不肯從逆。所有剴調之阿勒巴圖。均已備齊。何時檄調。即行來城助守等語。視其情詞尚屬可信。等語。賞給綉緞羊氍。令其旋牧。自守藩籬。至瑪呢圖。干都爾罕。及烏里雅蘇

圖兩處卡倫住紮之俄國兵隊。昨據該卡官呈報均已撤去。並據巴克圖卡官呈報復有該國馬步兵隊九十餘人來至小水地方住紮。當派筆帖式巴彥圖前往查問。據頭人回稱係分界大臣帶來。大臣隨後就到等語。二十二日接准俄國全權大臣維哈勞等由卡外送來照會一件。是日明誼亦趕到城。隨將照會拆閱。內稱茲聞貴將軍等照會內開令我們迅速前來。分界之事仍在塔爾巴哈台訂期會議等語。並聞貴將軍已由本任起身前來塔爾巴哈台。實屬貴將軍顯有允准我們所指邊界之意。和好辦理。視此情形。我們不能不合貴將軍大臣等之意。在塔爾巴

哈台就近之處居住。等待貴將軍前來。約在何處何日會
議等語。細閱該使捏稱明誼來塔。實屬顯有允准前開單
內所指邊界之意。等再四熟商。惟有照覆該使約其未
城講解條約。公平定議。旋於二十五日。接據巴克圖卡官
呈報。雜哈勞等已到小水地方。當派巡捕舒莖福喜前赴
該處迎接。送給羊麪等物。該使欣然收領。查閱伊犁將軍
常清轉到俄國西悉畢爾總督照覆分路勘議地界覆文。
內稱一處商議界址不能適合。而分為兩路商議。何能易
於適合。卽再派大臣百員會議邊界。該國大臣亦不敢將
擬開單內所指之外。分毫更讓。相應將其原文及等與

該使臣往返照會。鈔呈總理各國事務衙門查照。應否由京照覆。該國住京公使處酌辦施行。

御批該衙門知道

錄呈同治二年九月二十二日原摺

琴明諱明緒錫霖博勒果素奏。俄國前派分界使臣維哈勞博補考。八月二十八日到城。二十九日在公所相見。略敘寒溫而散。訂於九月初四日面議。適於是日承准議政王軍機大臣字寄。同治二年七月十五日奉

上諭。常清奏。俄人闖卡撲壓防堵營盤。現派領隊大臣帶兵堵禦。一摺等因。琴等飭諭各卡倫官弁嚴密偵探。以備不虞。至

俄人有差派巨蘇勒官帶兵一千來塔爾巴哈台入伊犁
塔爾奇溝之語。芬明緒前飭各卡倫偵探委無此等舉動。
初四日芬明謨明緒錫霖博勒果素一同前往該市圍會
議。該使臣等呈出繪就應由常住卡倫議分地圖言若不
照圖定議。伊等定初十日回國。芬等當照條約內載起止
次序。句句講解。字字詳論。並照總理各國事務衙門頒到
地圖內註明地名方向一一指明。反覆與之辯論。該使臣
仍堅以條約內載常住卡倫。並上年擬開分界單內所指
之處。已經該國大學士覈准。應作兩國交界等語。持為定
論。牢不可破。剖辯半日之久。幾至舌敝唇焦。該使臣等總

以^牙等不願照約定議為詞。窺其情形。斷不能以情理相
喻。口舌相爭。牙等即問現在兩國邊界尚未議定。你們即
令兵隊越境逼近各處卡倫住紮。又在伊犁闖卡滋事。實
屬有失兩國和好之道。該使臣等答以我們兵隊來至你
們卡外居住。並非侵占地方。原因攔阻你們官兵出卡。前
往我們所屬哈薩克地方去。若你們官兵從此不出卡外。
我們亦不派兵前來。至伊犁開仗之事。並非我們首先滋
事。你們索倫人將我們官員。請至卡倫射死四人。是何道
理。又不保護貿易之人。以致我們管理貿易之色克德爾
官。均回本國。現在伊犁將軍若能將我們色克德爾官請

回伊犁即可固守和好。此情已由我們西悉畢爾總督咨覆伊犁將軍矣。若貴將軍等再與伊犁行文如斯辦理即可相安無事。否則恐於勘界之事難於了結等語。等因勘界之事立時不能定局只得約以緩日再商。彼允諾而散。等察其情詞尚知顧惜聲名。深以肇啟兵端為諱。然於會議分界一事毫無憑公商辦之意。一味狡賴。希圖侵佔。且欲將不能定議之咎推在我國。若再約其會議必仍堅執如前。從權商酌。擬給照會。內聲敘兩國和好二百餘年。現在勘界一事。你們若能秉公商議。我們亦可從權辦理。即按條約將應勘之界再為折中。彼此相商亦無不可。

所有應分之界。條約內本載自沙賓達巴哈之界牌末處起。往西直至齊桑淖爾湖。今你們既說往西直至字樣。條約是你國譯漢誤寫。不妨少偏西南。至齊桑淖爾湖。自齊桑淖爾湖西邊。由輝邁拉胡等三處。向年夏季常住之卡倫起。往西南至雅勒裕爾地方。再由雅勒裕爾起。往西南至特穆爾圖淖爾止。其西作為俄國之處界。其東作為中國之處界。茲貴大臣等僮能照此商辦。再訂期會議。如仍以常住卡倫為界。不肯再讓。必定於九月初十日回國。明年究條約在何月何日復來會議。一併咨覆前來。立待分別酌辦等因。去後。旋於初十日准該使臣等照覆。稱現准

伊國住京大臣來文。內開准我國總理各國事務衙門王大臣。於本年七月二十七日來咨。因兩國和好。將伊等去年單內所指擬我國一概允許。所有分界事宜。速令兩國分界大臣會辦完結等因。並稱我總理各國事務衙門。已將此件文移。俱於同日由京行知矣。彼國早已接到。今已一月之久。等語。斷不至尚未接到。可見本年阻止完結疆界事宜。自係等不遵我國剴諭。任意辦事。既係如此。又何必定於明年何月何日復來會議。已咨伊國住京大臣詢問我國王大臣。並照會內有我國廷臣可行。疆臣不可行。致令他國恥笑等語。該使臣等隨於九月十三日自塔

爾巴哈台起程回國。行至小水地方。已將住紮之兵隊全
行帶回。該使臣等此次會議。屢以固守兩國和好為詞。並
未口出橫逆之言。然犬羊性成。究難懸揣。惟有仍飭各卡
倫官弁。嚴密防範。毋稍鬆懈。至俄國兵隊前在伊犁闕卡
滋事各情。現據雜哈勞聲稱。所有伊犁將軍照會該西悉
畢爾衙門之文。該總督不能不令伊閱看。是該總督亦惟
命是聽。若備文行知。亦必如前咨回覆。相應請

旨飭下伊犁將軍常清。確查是否該國兵隊首先開仗。並有無索
倫殺害該國人四命之事。及可否仍招該國管理貿易之
色克德爾官回伊犁之處。應由常清酌覈辦理。再等奉

命辦理勘界事宜。已閱三載。未能蒞事。捫心自問。寢饋不安。若不許統以常住卡倫為界。定成兵連禍結之患。若即照伊等去年議單所指之處為界。其中多有礙於我國蒙古哈薩克。布魯特。索倫人等之生計。等語。公同酌覈。萬不得已。或者按照伊等議單為界。令其將臣服我國之人。讓出無礙生計。擬開起止定議方期。日久相安。是否可行。請

旨飭交總理各國事務衙門王大臣妥議。與該公使商妥之後。備文照會該國大學士。轉飭該國派勘地界大臣遵辦。俄使議單所指之處。係自沙賓達巴哈往西。即向南。復轉東。統至哈克淖爾。卡倫之東。由該卡按我國常住卡倫。至昌吉

斯台卡倫。卽向西南至齊桑淖爾湖。此一段內。卽將烏里雅蘇台所屬之唐努烏梁海蒙古游牧包去一半。將科布多所屬之阿勒坦淖爾烏梁海蒙古游牧。全行包去。查此項蒙古。非哈薩克。布魯特可比。恭順有年。且受爵食俸。按年呈進貢物。實與卡內蒙古無異。若一旦毫無顧忌。卡內各項蒙古。觀望寒心。或與該公使商議。照依條約第一條內載。地方雖歸該國。遇有中國所占漁獵之地。俄國均不得占。仍准中國人照常漁獵。惟該公使允照此條辦理。仍准此項蒙古照常住牧漁獵。方與唐努烏梁海阿勒坦淖爾烏梁海蒙古生計尚無大礙。再查塔爾巴哈台所屬

內附之哈薩克前汗爵綽爾坦公阿吉等。屢次稟稱誓志不肯從逆。若此項人均被該國包去。勢必聚族紛紛。伏逃卡內。求為內附。實係無地安置。若與該公使商議。將夏設輝。遙拉胡等處之卡倫。讓與該國。須照條約所載。自齊桑淖爾湖之東岸。作為兩國交界。往南直至卓遜山嶺。其西作為該國之交界。其東作為我國之交界。如此定議。所有塔爾巴哈台所屬之內服哈薩克。不惟不能被該國包去。且可日久相安。再由卓遜山嶺起。往西至巴克圖卡外頭道河源。此處河東現有民人耕種地畝。等已於會議時與該使臣當面講明。已經雜哈勞允許不占。自頭道河源

迪西起往南直至瑪呢圖沁達蘭等八處常住卡倫。作為
兩國交界。即與塔爾巴哈台似無大礙。惟自沁達蘭卡倫
起。往西順山嶺直至伊犁之博羅胡吉爾卡倫。查博羅胡
吉爾卡倫。距索倫營房太近。不過百餘里。若將此處分給
該國。而我索倫人等若不甘心。必起爭端。是與俄人定議
換約。原因求息事而反足以債事。若商令該公使將此地
讓出。不礙索倫生計。方無後患。自博羅胡吉爾卡倫往西
南。順天山之特穆爾圖淖爾。南至浩罕邊界。何處有礙內
服之哈薩克布魯特生計。等不能深悉。詢伊犁派來委
員據稱。雖知卡外地方情形。究應由何處議分。實不敢擅

主。牙等已咨常清派員確切查明覈定以便照辦。至今尚
未切實咨覆。僅據另繪一圖送閱不能定議。相應請

旨飭下伊犁將軍常清速令切實查明咨覆總理各國事務衙門
王大臣覈定後再與俄國公使妥議俟彼此議定一面照
會該國大學士轉飭該國分界大臣遵照速來塔城與牙
等換約一面指示牙等遵照辦理庶該使臣不能任意貪
求以期速完通案。

御批該衙門知道。

錄呈同治二年九月二十二日原片

再牙明誼等將來與俄國派來分界大臣議定邊界互換

信約後。尚須由各城大臣先期。令各赴本境。等候該國另派立界官。到時會同建立界牌。鄂博。若俟臨時再由等行。令各處大臣會同該國官立界。恐不及奏派。致有推諉。難免貽誤。相應請

旨除參贊大臣麟興現署將軍責任較重外。在於烏里雅蘇台參贊大臣車林敦多布。科布多參贊大臣廣鳳幫辦大臣奎昌塔爾巴哈台領隊大臣博勒果素榮舍伊犁領隊大臣托克托奈希爾和德克興額圖庫爾九員內。四城各

簡派一員。酌帶原派委員。於俄國使臣前來與等定議互換信約後。接到等行知。立即持圖先期各赴本境。等候該國

官到時會同建立界牌鄂博以專責成而免貽誤

御批覽

錄呈同治二年九月二十五日原摺

等明誼。明緒錫霖博勒果素奏。此次俄國派使臣維哈勞等來塔等欽遵疊奉

諭旨。堅持定見。豫將應分之處一一覈定。原冀若能適中定議。即可酌度機宜。與之換約。當於會議時反覆辨論。嗣經該使臣告以彼處已接該住京大臣知照。我總理各國事務衙門王大臣業經允照上年議單分給等因。未接奉明文。留該使臣暫住。俟接總理衙門定議明文即可遵照換約。

乃該使臣等仍以天寒不能等候為詞於九月十三日起
身回國訖勞等正在繕摺間於九月二十二日承准議政
王軍機大臣字寄恭錄同治二年七月二十九八月初四
初七十三十五等日先後欽奉

上諭五道勞等應卽恪遵

諭旨迅速照會俄國西悉畢爾衙門准照該使臣上年議單以常
住卡倫為界轉令雜哈勞等仍來塔興勞等換約惟伏讀
上諭內開此等辦法本屬事不得已已將分入該國之哈薩克布
魯特人等該國如何安輯等因欽此伏思若照該使臣議單分
給所有烏里雅蘇台科布多卡外住牧之烏梁海蒙古塔

爾巴哈官伊犁卡外住牧內服之哈薩克布魯特人等多
被該國包去並無仍隸我界之人無從安插焉。俄人
逼近卡倫居住日聚日多實與我伊犁近卡居住之索倫
等四愛曼生計大有闕礙。查近在邊卡以外游牧之蒙古
哈薩克布魯特人等恭順我

國已有年所。受爵食俸。想應不肯甘心從逆。但我

國撫之以恩。該夷服之以加。用恩有久。難為繼之勢。以力有
勢必。被脅之情。疊准伊犁將軍常清咨鈔各摺。內稱有內
服之哈薩克頭人薩烏魯克等送羊助馬。布魯特托克索
拜帶領阿哈拉克齊四十餘人出加。旋准俄人送來回字

向我國要將良善內服之哈薩克布魯特等俱行逐出。交
伊辦理。欲收內服之夷人。解我捍衛。伊犁哈薩克布魯特
近處邊卡。與內地逼近。聲息相通。係伊犁之外障。其索倫
四愛曼。均距卡倫較近。家室收養。更不肯絲毫受其蹂躪
等語。等等若卽約該使臣換約。將來俄人前往立界。四愛
曼人等因有礙生計。與俄人素有切齒之讐。仍復逞強攔
阻。該使臣必仍興兵構怨。更振振有辭。至如烏科二城所
屬之唐努阿勒坦。渾爾兩處。烏梁海蒙古。一經將其游牧
地方分給。定必聚族內徙。其伊犁塔爾巴哈台所屬內服
之哈薩克布魯特。畏其強暴。亦必求內移。若遽驅逐出卡。

不惟失其歸附之意。且恐激成事端。致成附骨之患。如准其向內遷移。口外地雖遼闊。人人均賴山河水草為養命之源。各有主業。何能容此百千戶失業之人。卽告以已屬俄國安輯。不令一夫失所。儻此項人等不肯出卡。歸該國所屬。勢將無法安插。若不統籌久遠相安之計。一經換約。恐致別生枝節。現在卡外住紮之該國兵隊。旣已撤回。時值大雪封山。尚不致逞兵復來滋擾。只得暫緩行文換約。趁此數月。將查明各該處有礙情形。奏請

諭旨。飭交總理各國事務衙門王大臣再與該住京公使商議。仍照該國~~議~~單卽以常住卡倫為界。不過將~~等~~等前措所擬

烏科二城之蒙古生計讓出塔爾巴哈台齊桑淖爾湖以東岸為界。仍係按照條約所載起止地名作為交界。並非與彼強爭。況計所得者甚多。所讓者不過二三百里之地。諒該公使亦可相從。除^鄂等將查明烏科及塔爾巴哈台三處卡外。有礙之地名均已敘入。另摺奏請。

飭交總理各國事務衙門王大臣。即與該住京公使詳議。俟彼此議妥。即令該公使轉行該西悉畢爾衙門。派員訂於何月。在何處與^鄂等換約。並指示^鄂等遵照辦理。至伊犁何處卡倫。有礙內服夷人及索倫等愛曼生計。何處卡倫。無甚關礙。仍可為界之處。^鄂等因不深悉該處卡外情形。未敢

懸擬辦理。已經咨行伊犁將軍常清迅速確查覈定後。咨呈總理各國事務衙門。請與該住京公使詳議。以免遲誤。相應請

旨飭下常清務於年前覈定速為覆奏。再該使臣此次前來會議。曾聲言中國若不派兵出卡巡查邊界卡倫。該國亦可不派兵前來各卡倫以外住紮。窺其用意。派出兵隊。特因攔阻我

國兵隊。不准出卡起見。相應一併請

旨飭交總理各國事務衙門。告知該公使。令其轉行該國大學士。業已准照議單定議。明春該國不准派兵前來。中國亦不

必派員出卡。僅與該公使商議不肯稍讓。欲仍照原擬之
單定議。鄂等只可照依定議換約。將來有無後患。換約時
詳細告知該國。或可免啟兵釁。並請

旨速飭伊犁將軍常清妥為先行曉諭。索倫四愛曼及內服之哈
薩克人等。勿得再啟爭端。至哈薩克台吉鐵色克帶領俄
兵滋擾伊犁邊卡一節。鄂等曾於會議時。向維哈勞等極
力講論。該使答以歸順該國。委無調唆及帶領兵隊情事。
鄂等察其情詞。斷不能照辦。鄂等實難設法擒獲。謹將奉
到

廷寄。恭錄分咨伊犁將軍常清等欽遵辦理。

御批該衙門妥議辦理。

吉林將軍景繪副都統麟瑞奏同治三年三月十八日准
三姓副都統富尼揚阿咨開據戍守烏蘇里口卡倫六品
軍功蘇勒法佈報稱二月二十四日未刻帶兵巡河回卡
鷺見三品頂戴即補協領佐領富尼雅罕甲兵全德西丹
連貴赫哲五交額四人不知緣何均被殺死當即馳至克
克特力地方向由卡逃出值班赫哲扎隆阿查詢據稱本
日早飯時有俄人四名同進卡房售賣松子西丹連貴以
酒換買俄人因所給酒少語言不通爭論起釁各持大斧
即將連貴砍死因畏懼逃逸不知俄人如何又將卡官富

尼雅罕甲兵全德赫哲玉凌額一併殺斃等語。當令赫哲
通事付羊古向俄官吉成科告知前情。該俄官即派阿力
郭什科官一員。伴作三名。會同職等驗明屍傷。並派俄兵
五名看守。二十五日。經該俄官將兇犯烏力殺郭幅畢諾
笑力幅。洩力苗四幅。阿西莫克幅。緝獲羈禁。並稱候你們
三姓大官到來酌定辦理等情。報經該副都統即派佐領
諾洪額帶兵馳往烏蘇里口接管卡務。一面飛報前來。琴牙
等不勝詫異。伏查和約第八條內稱。倘有犯罪之人。照天
津和約第七條。各按本國法律治罪。又若有殺人重案。查
明係俄羅斯國人犯者。將該犯送交本國。按律治罪。又天

津和約第七條載稱俄國與中國所屬之人若有事故。中國官員須與俄國領事官員。或與代辦俄國事務之人。會同辦理各等語。此案俄人烏力殺郭幅等。以松子向卡倫西丹連責換酒。偶因爭論多寡。語言不通。輒敢行兇殺人。致斃官兵四命。實屬肆無忌憚。且恐尚有起釁別故。自應徹底究明。按法懲治。以昭平允。而敦和好。現在揀派三姓三品頂戴。卽補協領訥爾吉。選帶可靠赫哲通事。馳往烏蘇里江口。會同俄官吉成科。遵照條約。提集犯證。秉公審辦。毋稍大意。致啟嫌端。除飛咨總理各國事務衙門查照外。理合恭摺馳奏。

御批該衙門妥籌辦理。

四月戊寅。

諭議政王軍機大臣等。憚世臨奏遵催田興恕赴川。並添派知縣呂鳳藻馳赴鎮筵。會同川省委員押解前進等語。田興恕押解入川。據憚世臨前奏。本有二月十六日起程之說。何以至今尚無就道確期。當此事有轉圜之際。豈容該革員遲延不前。致生枝節。憚世臨務當恪遵前旨。迅飭胡鑄等催令田興恕。尅日起身。並飭呂鳳藻會同四川委員姚寶銘押解前進。儻敢再有稽延。必惟憚世臨是問。駱秉章仍當派員迎提。將田興恕在川羈禁。一面馳奏。一面飛咨黔省迅速查辦。勞崇光張亮基於田興

想到川後。即將教民一案趕緊審辦奏結。事關中外大局稍涉因循。必致波瀾又起。想該將軍督撫等自能恪遵迅辦也。

三口通商大臣兵部左侍郎崇厚奏。前准總理各國事務衙門函稱。凡有外國遣使到津。應由三口通商大臣據情轉奏等因。歷經遵辦在案。茲於三月十五日接據大沽稽查海口委員稟報。現有布路斯國使臣名李福斯航海北來。聞欲由津進京。旋據布國領事官哈利士來稱。該使臣帶有隨員二人。到津後即欲自津由水路進京等語。查布國既經立約有年。並約內載有該國欲派稟權大臣一員。進中國京師。亦無不可之語。因即照例發給護照。並

派委候補都司億年沿途妥為伴送前往。一面咨呈總理各國事務衙門。暨崇文門查照。嗣又據該國領事官來署呈出該使臣李福斯來函。內稱使臣到京。現欲拜見總理各國事務王大臣。轉呈該國君主國書等因。除再咨呈總理各國事務衙門。按約辦理外。理合循例恭摺具奏。

御批該衙門知道。

己卯。總理各國事務恭親王等奏。同治三年三月二十八日。軍機處鈔出勘分西北界大臣明誼等。上年九月二十五日具奏。接奉議定分界大局。欽奉

諭旨。現在籌辦各緣由一摺。並請先期

簡派四城大臣各一員。以便各赴本境。會同建立界牌一片。奉
旨該衙門妥籌辦理。片並發欽此。同日又鈔出明誼等本年二月
初十日具奏接奉

諭旨。欽遵辦理。暨准俄國西悉畢爾衙門覆文。現擬仍約俄使前
來商辦各緣由一摺。奉

旨該衙門妥籌辦理欽此。臣等查本年二月初九日。議覆明誼等
奏。遵飭迅辦分界事宜摺內。曾將讓地安插。及照舊游牧
兩層詳細聲明。並將臣衙門前給該住京公使照會內。原
有妥商照辦之語指出。以備與該使辯論。今聞該使上年
九月初十日覆文。竟謂臣衙門將伊等前遞單內所指界

址一概允許。且有我國廷臣可行。疆臣不可行。令他國恥笑等語。實屬狡賴已極。西悉畢爾總督本年覆文亦以酌量各處情形妥為商辦之語。託為明誼等。擅自添出總要堅持議單。毫無更讓。否則不肯復派員前來。尤為狡譎。現經該將軍等復給與照會。辯論議單內所指地方與原約不符之處。不能不照。臣衙門上年給該公使照會。同妥商。並將勉強議分。日後必啟爭端。豫為聲明。且指出照舊游牧讓地安插兩層。為應妥商會議之處。措詞甚屬周妥。如該國接到此次照會。肯派員前來會議。該將軍等即須查照。臣衙門本年議覆麟興及明誼等各摺。詳為剖辯。所

有烏科二城及塔城所屬關礙情形或讓地安插或照舊
游牧均可相機辦理妥為定議至伊犁有礙索倫四受曼
人等生計之處已經常清將妨礙情形及圖說咨送明誼
等查照其議單所指灣入向內將常住卡倫包去等處實
與條約相背萬難任其侵占卽援照常游牧之說亦恐難
免後患明誼等仍應力與駁辯或令於卡倫外讓出若干
方為妥協如該國不肯派員前來明誼等仍須給該西悉
畢爾衙門照會詰以臣衙門上年給該住京公使照會明
明有妥商字樣該住京公使已將原文咨送該西悉畢爾
衙門一查便知豈得誣謂強行添出並詰以接准臣等總

理衙門文開上年七月照會。係准照議單與條約相符之處辦理。其議單與條約不符之處。仍應會同妥商。等因。卽此可見總理衙門所准者。係議單與條約相符之處。非不符之處。亦一概允准也。明誼等所不准者。係議單與條約不符之處。非相符之處。亦一概阻止也。中國無論在內在外。大臣總以條約為主。毫無歧異。今該國既不肯派員前來。明誼等亦不必相強。且條約原有西界商辦。不必限定日期等語。祇好暫緩不辦。俟條約講明再行會議。惟未分界以前。兩國均不得派兵滋擾。上年該國分界大臣曾經面言。中國不派兵出卡。俄國亦不派兵前來等語。明誼等

即可咨行伊犁及科布多各城將軍大臣於未分界之先
暫停揀派官兵出卡巡查舊邊等事。聽候分界。該總督亦
應嚴禁俄國兵隊於未分界之先。不准前來卡外。亦不得
在卡外私壘郭博。儻有此等情事。中國仍須派兵攔阻。務
須各守疆域。靜候分界。如此措詞。復行酌量給與照會。令
其展緩。以便徐圖挽回一二。亦未可定。並請

旨飭下各城將軍大臣等。嚴諭各營官兵。不時密為偵探。儻有俄
國兵隊前來卡外。或私立郭博。務宜妥為防範。善言阻止。
其每年例派官兵出卡巡查邊界之舉。即可暫行停止。以
免該國有所藉口。仍遵前

旨各就本境趕緊妥籌安置各項人眾地方迅速具奏以備明誼
等酌量情形籌議辦理免致臨時趕辦不及又片奏請

簡派各城大臣四員以便換約後各赴本境建立界牌等語自係
為先事籌備欲令各大臣熟悉本境形勢日後有所依據
應卽如所請以專責成而免貽誤再各摺所稱請

飭臣衙門再與該住京公使商議令將各城有礙蒙古人生計讓
出數百里各節臣等前兩次議覆摺內已將該住京公使
推諉情形奏明自無庸復贊

諭議政王軍機大臣等總理各國事務衙門奏遵議明誼等陳奏
分界事宜妥籌辦理一摺西路分界事宜曾經總理衙門將讓

地安插。及照舊游牧兩層奏飭明誼等相機辦理。並將前給俄國住京公使照會內原有妥商照辦之語指出。以備辯論。今該國使臣及西悉畢爾覆文。竟謂伊等前遞單內所指界址業經廷臣允許。而疆臣不肯行。且以酌量情形。妥為商辦之語。誣為明誼等擅添。實屬狡賴已極。明誼等現復給與照會辯論。議單內所指地名。與原約不符之處。不能不公用妥商。且指出游牧安插兩層。為應商議之處。措詞甚屬周妥。儻該國接到此次照會。即肯派員前來。明誼等務當查照總理衙門本年議覆各摺。詳為剖辯。所有烏科二城及塔城所屬闕礙情形。或讓地安插。或照舊游牧。均可相機辦理。妥為定議。至伊犁有礙索倫四愛

曼人等生計之處。已由常清繪圖咨送明誼等查照矣。議單所指灣入內向。將常住卡倫包去多處。實與條約相背。萬難任其侵占。仍應力與駁辯。或令於卡倫外讓出若干。方為妥協。如該國不肯派員前來。明誼等仍須給該西悉畢爾照會。詰以總理衙門照會。明明有妥商字樣。何得誣謂强行添出。並告以照會所准者。係指議單與條約相符之處。非不符之處。亦可一概允許。該將軍所駁者。係議單與條約不符之處。若相符之處。豈能一概阻止。中國在京在外大臣。總以條約為主。毫無歧異。今俄國既不派員前來。則條約內原有西界商辦。不限日期等語。只好暫緩商辦。上年該國分界大臣。曾言中國兵不出卡俄國兵

亦不來等語。此時界址未分。中國暫停官兵出卡巡查。俄國兵隊不得前來卡外。更不得私呈鄂博。僅有此等情事。中國仍須派兵攔阻。如此明白曉諭。該國知要求萬不能遂。或竟自思轉圜。則此事即可相機辨結。該將軍大臣等身膺重寄。總當通籌熟計。庶挽回得一分。即受一分之益。至官兵雖有暫停出卡之議。常清明誼。明緒等。仍當督飭所屬。並咨行科布多等城。不時嚴密偵探。如有俄國兵隊前來卡外。或私立鄂博。即當妥為攔阻。不得稍有疏懈。各城所屬人眾地方。應如何各就本境豫籌妥辦之處。著常清等知會各城大臣。迅速查明具奏。以備明誼等酌量情形。籌議辦理。免致臨時趕辦不及。明誼等片奏。請派

各城大臣四員。以便換約後各赴本境建立界牌等語。自係為先事籌備。俾伊等熟悉形勢。日後有所依據起見。除明誼明緒。業經特簡外。本日復派廣鳳。蔡全。托克。泰三員。以專責成矣。明誼等可卽咨行廣鳳等一體欽遵辦理。原摺著鈔給閱看。

辛巳。四川成都將軍崇實。四川總督駱秉章奏。臣等於同

治三年三月初十日。奉到同治三年二月十四日

密諭。並承准議政王軍機大臣恭錄。二月十二日

密諭。湖南撫臣譚世臨

密旨一道。各欽遵在案。竊臣等前以田興恕業經定期來川。旋因

湖南撫臣奏留募勇辦防。因而中止。當卽具摺於二月十

九日由驛馳奏現奉

諭旨。臣等若徑派員前赴鎮筵提解。不特田興恕仍可藉詞觀望。

且慮其新募勇丁。人眾言龐。或竟不肯聽其主帥帖然就
逮。另生枝節。更屬不成事體。臣等一面密咨憚世臨遵

旨。先將所募勇丁留防楚境。並派妥員設法提解。一面仍劄前次
所派之涪州知州姚寶銘。刻日起程。馳赴長沙省城。會同
湖南委員押解田興恕到川羈禁。以便奏請

飭下勞崇光張亮基迅結此案。惟道途往返。未免有稽時日。一俟
委員姚寶銘行抵湖南。稟報來川。臣等卽先行奏

聞。

御批著懷遵四月初八日密諭辦理。毋稍稽延。

甲申。江蘇巡撫李鴻章奏。權授江蘇總兵戈登帶隊。偏攻常州。前月二十二日。轟破南門城垣。未得入。弁勇傷亡多人。日夜與臣及李鶴章商籌布置。挖濠築牆。安礮搭橋。虛衷和氣。忠勇勤勞。允堪嘉尚。茲常州既克。蘇省軍事稍定。便欲辭退回國。因常勝軍洋槍隊近來老勇大半逃亡。逐漸新募。打仗不甚得力。欲將槍隊調回崑山。妥為遣散。以節糜費。暫留礮隊六百。並外國大小炸礮。送交臣處派員接管。其所用外國弁。陸續資遣。志趣似甚公正。昨總稅務司赫德來常。業與臣議有眉目。除飭海關道趕緊

籌借銀兩。豫備支用。並派臣營務處委員直隸州知州丁日昌同戈登前往崑山。會同李恆嵩等妥籌辦理。俟緝結後。再行縷陳外。查戈登奮勇勤能。立志為中國助勦賊匪。修立聲名。自正月至今。諸事俱受商量。謹遵臣處調度。並與臣部將郭松林。劉銘傳。劉士奇。王承勝。楊鼎勳等和好無間。彼屬赫德與臣言在中國辦事。只求得一體面。去年蒙

大皇帝賞銀一萬兩。斷不敢領。或勻給該營洋弁遣散經費等語。此次協攻常州。殊為出力。可否請

旨賞加提督銜。並由臣仿製表功旗幟。並外國金寶星式樣。傳

旨送給俾其回國後藉示寵榮。

諭內閣李鴻章奏官軍攻克常州府城一摺。權授江蘇省總兵戈登帶隊助剿。臺著戰功。此次協同攻克常州。尤為出力。著賞加提督銜。並著照李鴻章所請。頒給旗幟功牌。以示優異。仍俟將所部常勝軍部署妥協。再由李鴻章奏請嘉獎。

諭議政王軍機大臣等。戈登帶隊協剿常州之賊。甚為出力。本日明發諭旨內。已照李鴻章所請。賞給提督銜。並由該撫頒給功牌旗幟。以示優獎。惟該撫所奏前項賞銀一萬兩。戈登不肯收領。疑仍作遣散洋弁經費。固係該洋將為要好起見。惟洋人素性嗜利。究竟是否出於本心。尚不可知。現在常州攻克。該洋人

不言進攻金陵。竟肯先行遣散。免將來許多支節。實屬不可失之機會。該撫自應乘勢利導。妥為遣散。如戈登將所部布置妥協。洋弁均皆回國。則是戈登真心要好。始終如一。僅止頒給旗幟功牌。不獨無以酬其勞。且恐無以饜其欲。即著李鴻章飭令丁日昌李恒嵩等。與戈登妥為辦理。一俟辦有就緒。即將如何再行嘉獎。戈登之處。迅速奏聞。

甲午。總理各國事務恭親王等奏。查中國自與外國互換和約以來。內外均與洋人時有交涉事件。洋人以貿易為重。沿江沿海通商各口。辦理稅務。均關緊要。洋稅新定。科則與戶部各關常稅。互有參差。其中應徵應免。應罰。必須

絲絲入扣。而隨時交涉事件。往往有條約不能盡載。勢須觸類旁通。若非平時素習。欲其倉猝應變。動中機宜。良非易易。至英法俄美等國公使住京。臣衙門交涉事件。最為繁劇。不但文移往來。并須會晤辯論。更非生手所能猝試。臣等公同商酌。謹擬內外兼顧章程三條。恭呈

御覽。

一張家口殺虎口山海關三項稅差。向由戶部豫行咨取各部院保送一二等人員。遇有前項稅差缺出。由戶部帶領引

見請

旨簡放。年來此項人員。因添辦洋稅。往往於得差後。來臣衙門探訪一切。然為時匆遽。不能立悉底蘊。比及到任。難免辦理歧異。不能盡歸妥洽。擬請嗣後各部院保送此項稅差人員。咨送到部。由戶部咨。臣衙門分班學習兼行。毋庸另給公費薪水。其本衙門仍照舊當差。至前已保送。現尚未放之員。亦即補行知照一體學習。遇有差缺。仍照舊章。由戶部帶領引。

見請

旨簡放如此辦理。似較臨時訪問。事半功倍。

一九江關之廣饒九南道。江漢關之漢黃德道。鎮江關之

常鎮道與沿海浙海關之甯紹台道。江海關之蘇松太道。東海關之登萊青道各缺。現均添辦洋稅。與各國領事官辦事。紛紜膠轕。一有錯誤。洋人藉為口實。往往於偷漏之案。應罰不罰。滋事之案。應辦不辦。甚形棘手。臣衙門章京。日辦中外交涉事件。此等情弊。久已熟習。且在外領事官向惟住京公使之言是聽。該章京等隨同。臣等與各國住京使臣共事已久。該領事自不敢任意蒙蔽。辦理當較順手。擬請嗣後。臣衙門於保獎章京內。如有實係才具出色。稅務諳練之員。外郎郎中各員。擬自同治元年覈計起。歷至本衙門三次保獎者。奏明交軍機處存記。遇有前項通

商各道員缺出。如遇各該省無奏升奏補熟悉洋務之員擬請與

京察一等

記名簡放人員一體開單請

旨。每逢保獎之年。滿漢仍不得各過二員。如非沿江沿海。辦有洋稅及向由督撫將軍委辦稅務各缺。均不在此例。以示限制。如無員可保。不得濫等充數。查以上各缺向歸督撫管。此項人員遇有地方與洋人交涉事件。該督撫亦得指臂之助。僅僅止洋務熟悉於地方不甚得力。該督撫仍照常隨時參劾。亦不得稍有遷就。似此辦理。則勞積六年。缺止

數處。庶與三年

京察一等

記名人員。遇有道府缺出。統行開列者不同。其各本衙門如遇

京察。仍准照常保列一等。

一 臣衙門辦事章京。均由各部院咨取兼行。無論在臣衙門及各本衙門得列獎敘一等者。向多以道府外用。其間保送京堂者較少。臣衙門與洋人交涉事件。多非例案所有。若均保外用。一時更易生手。勢難驟期得力。擬請嗣後保獎之年。如郎中等員。有堪勝表率者。准保四五品京堂。

奉

旨後咨行吏部與各衙門保送京堂之例一體辦理。不積各該衙門保送京堂之缺。仍照軍機處之例隨時酌覈奏留。臣衙門辦事如無員可保。亦不得濫竽充數。其各衙門遇有應保京堂之時。仍照常保送。

御批依議。

乙未三口通商大臣兵部左侍郎崇厚奏。查同治元年西洋國公使基瑪良士前來請議換通商條約。奉

旨簡派工部侍郎臣恆祺會同粵商辦。所有議定條約五十四款。由總理各國事務衙門具摺鈔呈。

御覽。奉奉。

諭旨。畫押蓋印在案。茲於本月十五日。據海關委員稟報有西洋國公使到津。督當卽函達總理各國事務衙門知照。旋於十六十七兩日。該使阿穆恩兩次遣副使哈姓繙譯官龔姓持名帖前來致意。並報明來津為換約之事。督當卽派委員前往答拜。該使面見委員。言詞謙遜。二十二日。該使又遣副使並繙譯官前來。請與督訂期見面。以便陳明來意等語。當告以二十三日在公所相見。及期該使隨帶官四員前來相晤。面稱奉西洋國君主特簡前來。授以全權大臣。互換和約章程。請督代為轉奏等語。查西洋國前經議定條約。奏奉

諭旨。畫押蓋印一分。存總理衙門兩分。由其使臣帶往。今該使阿

穆恩前來。係專為互換前定之約。自應據情奏請

簡派大臣來津。與之互換。

御批。該衙門知道。

籌辨夷務始末卷之二十四